



**UDRUŽENJE GRAĐANA ZA POVRAT STARE  
DEVIZNE ŠTEDNJE U BiH i DIJASPORI**

RAIFFEISEN BANKA  
ž.r. 1610450036820073  
e-mail: [nnisic@spinter.net](mailto:nnisic@spinter.net)  
[www.starastednjabh.org](http://www.starastednjabh.org)

Sjedište: Banja Luka 78000  
I. G. Kovačića 139b  
tel. 051/380-738  
fax. 051/381-374

UPRAVNI ODBOR

Broj: 1505/09

Banja Luka, 14.06.2009.

**PARLAMENTARNA SKUPŠTINA  
BOSNE I HERCEGOVINE**

**Poslasticima u Predstavničkom domu  
od 1 – 42**

**Delegatima u Domu naroda  
od 1 - 15**

**Predmet: Realizacija zaključaka iz Izvještaja Privremene zajedničke komisije za utvrđivanje stare devizne štednje građana BiH položene na račune domicilnih banaka i podružnica u BiH – traži se**

Poštovana gospodo,

Sa velikom pažnjom smo pratili 52. sjednicu Predstavničkog doma koja je održana 29.aprila 2009. godine i 29. sjednicu Doma naroda Parlamentarne skupštine BiH, koja je održana 27. maja 2009. godine, jer ste na ovim sjednicama razmatrali i usvojili Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i podružnica u BiH.

Na sjednici Upravnog odbora Udruženja građana za povrat stare devizne štednje u BiH i dijaspori održanoj 14. juna 2009. godine u Banjaluci konstatovano je da i pored značajnih nedostataka Izvještaj Privremene zajedničke komisije sadrži i neke dobre zaključke, koji daju nadu za konačni početak istinskog rješavanja problema vezanih za staru deviznu štednju.

Tu prije svega mislimo na jasno utvrđenu činjenicu da "verifikacija nije uspjela", jer je verifikovano manje od 4% stare devizne štednje, te zaključak da je zbog toga neophodno pristupiti izmjenama i dopunama Zakona o izmirenju obaveza po osnovu računa stare devizne štednje.

Nije nam velika utjeha, ali podsjećamo da smo stalno ukazivali da aktuelnim zakonskim rješenjima nije bio cilj da se verifikuje - utvrdi koliko neko ima štednje, nego da se ta štednja pretvori – konverzuje u KM i da se vlasnici štednje odreknu ugovorenih kamata, pristanu na kamatu od 0,5% i odreknu se prava na sudsku zaštitu.

Cijeneći navedeno i više nego tragičnu situaciju velikog broja starih i bolesnih, koji žive u bijedi i neimaštini i pored činjenice da imaju svoj novac, Upravni odbor Udruženja sa današnje sjednice **apeluje, moli i zahtijeva** od Parlamentarne skupštine da hitno formira radnu grupu sa zadatkom da odmah pristupi izradi izmjena zakona. Smatramo da predstavnici Udruženja moraju biti uključeni u radnu grupu i to od Vas tražimo. Budite sigurni da će predstavnici Udruženja dati konstruktivan doprinos u radu radne grupe i pomoći prije svega kod odabira rješenja koja su prihvatljiva za vlasnike stare devizne štednje, koja će stare devizne štediša izjednačiti sa sadašnjim štedišama, a neće podrivati ekonomsku stabilnost države. Upravni odbor samtra da bi situacija po međusobnom sporazumu za institucije vlasti u Bosni i Hercegovini trebala biti značajno povoljnija i prihvatljivija od one u kojoj se Bosna i Hercegovina može naći po presudi Evropskog suda za ljudska prava u Strazburu. Podsjećamo da je 10. marta ove godine Evropski sud prihvatio da raspravlja i odlučuje o meritumu po tužbama članova Udruženja građana za povrat stare devizne štednje u BiH i dijaspori.

Vrijeme je neumitan faktor kako za one koji vape za svojim sredstvima jer im je ugrožen biološki opstanak, tako i za one koji bi svojom starom deviznom štednjom pokrenuli privredne aktivnosti i tim doprinijeli prevazilaženju problema koje sa sobom nosi aktuelna ekonomska kriza i recesija.

Insistiramo da se radna grupa formira odmah, kako bi u što kraćem roku mogla ponuditi tekst Izmjena i dopuna Zakona o izmirenju obaveza po osnovu računa stare devizne štednje, a taj zakon bi se mogao usvojiti prije početka korištenja godišnjih odmora. Za ove aktivnosti rok od dva mjeseca je predviđen i u zaključcima iz Izvještaja Privremene zajedničke komisije.

U očekivanju razumijevanja srdačno Vas pozdravljamo.

S poštovanjem,

Za Upravni odbor  
Predsjednik  
**Svetozar Nišić**



Dostavljeno:

1. Jose Manuel Barosso, the Presidency of the European Commission
2. Tary Daviss Generalni sekretar Savjeta Evrope;
3. Tomas Hamerberger, Komesar za ljudska prava pri Savjetu Evrope
4. Jan-Paul Costa, predsjednik Evropskog suda za ljudska prava
5. Savjetu miistara BiH;
6. Vladi Federacije BiH i Vladi RS;
7. OHR-u i
8. Medijima